

西
巡
大
事
記

西巡大事記卷三 光緒二十六年九月至十月

目錄

錫良致樞垣法兵到保定情形愈緊已婉勸折回電 九月初三日

廷雍呈樞垣聯軍約萬人擬來保定稟 初三日

增祺奏營口復州蓋平熊岳金州等處以次失陷摺 初三日

奕劻奏擬向匯豐借二百萬兩以濟要需電 初三日

李鴻章奏各使云如易江鄂兩督則和議難成電 初三日

劉坤一等奏董福祥最爲洋人所忌宜先撤其兵柄電 初四日

奕劻等奏洋兵欲西趨請辦罪魁剛毅諸人或可阻止電 初四日

李鴻章奏楊儒電俄佔東三省擬先與商交還電 初六日

奕劻等奏已囑赫德與各使通意約期會商電二件初七日

裕庚致樞垣法廷謂若不回鑾和議萬不能成電初十日

升允奏洋兵西竄請留武衛中軍併力守禦摺十二日

李鴻章奏直隸藩臬廷雍沈家本均被洋兵拘繫電十五日

朱祖謀等奏洋兵西趨勢將入晉乞早定大計摺十七日

盛宣懷奏洋兵殺害廷雍等並索犒師十萬電十八日

李鴻章致樞垣廷雍等被害瓦帥不肯接晤無從與商電十八日

袁世凱奏洋兵到德州樂陵旋即退去電十八日

奕劻等致樞垣牛莊遼陽繼失俄逼北路日佔興京電十八日

奕劻李鴻章奏各使注意在懲辦禍首並請回鑾電十九日

岑春煊奏請飭妥議統賢處分摺二十一日

奕劻李鴻章致樞垣報與聯軍統帥瓦德西晤談語錄電二十五日

李盛鐸致樞垣東報載駐京各使會議擬索各款電二件二十七日

奕劻李鴻章致樞垣各使云不辦董福祥萬難開議電二十九日

奕劻李鴻章致樞垣楊使電俄主覆書請速回鑾電十月初一日

壽全堃岫奏報洋兵入境巡查現均退出摺初三日

錫良宋慶馬玉崑致樞垣洋兵紛進請電全權撤回電三件初三日

袁世凱致榮祿大臣禍國請設法補救力扶危局電二件初五日

錫良奏請飭全權商法使止入晉之兵電初七日

張之洞致樞垣請將武昌城北作爲自開口岸電初八日

劉坤一張之洞致奕劻李鴻章請體察外情懲辦禍首電初十日

劉坤一等致樞垣據李盛鐸電日外部密告德議各條情形電十一日

張之洞致樞垣英法德提督同聚吳淞如不和必斷接濟電十五日

盛宣懷致樞垣請飭查明進出兩數明示各國以便議和電十七日

北京商民呈禮部請據情奏懇回鑾稟十八日

李鴻章奏全權大臣敕書各使謂不合式請蓋御寶電二十日

錫良奏查明洋兵奪據紫荆關及升允退守情形摺二十四日

裴維佞奏和議即開宜將有關大局各條亟圖補救摺二十五日

增祺等奏報奉省各城失守自請議處片二十九日

奕劻等致樞垣各使照會請將徐用儀等五員開復原官電三十日

西巡大事記卷三

黃巖弢夫王彥威輯

男希隱亮編

孫孝章敬立校

光緒二十六年九月初一日 行七十里駐蹕渭南縣城

湖南巡撫俞廉三奏拿獲富有票匪及嚴緝黨羽情形摺

又奏革員文廷式潛到湖南勾結匪黨請嚴拿正法片奉硃批文廷式着嚴拿務獲即行正法

初二日 行四十里駐蹕臨潼縣之零口鎮

錫良宋慶馬玉崑奏保定軍情緊急現統毅軍進紮獲鹿以資抵禦摺

奉硃批所籌甚是著即督飭各統領認真防守毋稍疏虞

李鴻章密奏請兩宮回鑾力保無虞片未發下

旨寄李鴻章密片所陳各節已悉上月二十日因劉坤一等合詞籲懇事定回鑾曾經明晰宣示寄諭中外各大臣遵照此奏乃上月二十二日所發自係尙未接奉前旨總之此次暫行駐蹕西安並無久居之意該大臣等切毋誤會一面仍會商各國使臣速行開議以期事定早日回鑾

初三日 行四十里駐蹕臨潼縣之溫泉宮

錫良電奏 據大同鎮總兵劉光才稟二十六日洋兵入宣化府該鎮退至枳兒嶺已越過居庸關之西現駐防紫荆關

錫良致樞
垣法兵到

李鴻章電奏 據各使云中國如不辦禍首各國當自辦且疑朝廷袒
董昨擬另立專條已無把握請速定計

山西巡撫錫良奏洋兵已到新樂正定難保不再圖西趨現調湘軍五
營駐防邊要摺

旨寄錫良來電悉洋兵已至新樂正定一帶難保不再圖西趨已電奕
劄李鴻章與各國使臣商量阻其前進能否照行殊不可必如果前進
不已該撫速即派員前往詰問目前正在議和何以仍行進兵該撫當
視其意之所在先行電聞一面與宋慶馬玉崑商辦防務固不可鹵莽
從事亦不可聽其前驅致大局益難收拾

錫良電信 頃接保定廷藩司宥電云十九二十日法兵頭隊到保傳

保定情形
愈緊已婉
勸折回電

相差諒我軍隊伍暫避無與迎敵官紳牛羊禮接語多不情幸未決裂今日聯軍亦到文武郊迎城內外預備其官公所郊外騰出村莊以駐彼軍有無詭謀事不可測揭其來意直欲西犯法兵如何接待請電商行在軍機處酌示照辦等語錫良竊維遽與決裂固恐有礙和局而放敵入關實所不可擬接以禮貌婉勸折回倘彼竟以鎗礮相加亦斷難束手以待今晨曾電請代奏計已邀覽茲接保電情形愈緊用再飛報敬祈早備陝防並祈代奏速示覆

旨電慶親王等錫良電稱洋兵頭隊已到新樂正定一帶意圖西犯勢難聽其長驅直入着奕劻李鴻章速與各國使臣商辦阻其前進庶免有礙和局倘仍以迎護教士等爲名一意西趨獲鹿等處防營各執尙

廷雍呈樞
垣聯軍約
萬人擬來
保定稟

未停戰之說斷難束手以待一面迅飭各統領嚴密防守不准洋兵攔入豫晉境內如洋兵先有開礮放鎗等事即着各防營竭力抵禦倘致有傷和局不得云釁自我開該親王等迅即遵照辦理速覆

直隸布政使司布政使覺羅廷雍謹稟王爺中堂大人閣下敬稟者竊查本月十九日法兵頭隊到保二十日法國統兵官杜挈同徽教士等率隊來省與職司等晤商及挿旗委曲保全省城各情形業經先後由六百里加緊馳稟鈞鑒在案惟保護一節職司等二十日與杜統兵分款說明面允繕寫憑函職司等當日答拜復將所允各節面訂雖無異言而不肯作信反覆商之始准由我將各節開單請其簽註至今尙無回音原函鈔呈察閱二十一二兩日法兵官歐貝復來會面要住城內

公所廟宇職司等委婉辯論彼亦詞窮然其無理要挾終非口舌所能
箝制正焦灼間接奉李中堂十八日由京遞到函諭飛啟者頃抵京甫
經下車據繙譯委員面稱今午晤英國寶使稱赴保聯軍因雨遲發現
定十九日由京起程各國隊伍約合萬人係德統帥主謀商令英提督
領隊前往保府如有官軍抗拒卽痛加剿洗鷄犬不留如不迎敵可派
弁目執白旗相迎西例凡議和皆用白旗止兵聞彼隊亦執白旗彼此商定紮住之地
議明將保府現存教士及正定教士監工人等交其帶還敵隊可不進
城但將城外房屋或城樓毀傷數處以示薄罰若能如此保全多矣務
祈嚴諭將士勿輕用武挑釁致啟不測之禍呂提督儘可令赴河間一
帶統帶所部勦辦拳匪至正定教士等務須電飭該鎮府星夜護送至

定州搭輪車進省以期迅速此事已與慶邸會商望照辦勿誤機宜盼切禱切等因查此次接應法兵恪遵李中堂十二日天津舟次手諭飭令各軍勿得迎敵並將軍械收藏連出庫款四十萬連日經職司等婉言對付現雖暫住城外而城內院署豐備倉等處彼已貼條大有進城盤據之勢聞霸州城內昨夜到有洋兵二千餘人頃接探報北河又到洋兵三五千沿途搶掠日內來省更不知若何情形職司等既無抵禦之權設迫以萬不能允之事亦將智窮力竭惟有仰求訓示俾有遵循專肅馳稟伏乞垂鑒職司廷雍謹稟

閏八月二十三日
發九月初三日到

陝西巡撫岑春煊奏陝庫支絀請由部撥給餉需摺

上諭寄戶部據岑春煊奏陝庫支絀着戶部於京餉項下酌提三十萬

西巡大事記卷三

四

料附刊之一

兩俟四川各省原撥協款解到時提還至所稱此次豫備行宮一切已開銷至三十萬之多恐不免有中飽侵吞情弊着戶部再撥銀五萬兩該撫務須撙節支用毋任委員作弊

增祺奏營口復州蓋平熊岳金州等處以次失陷摺

盛京將軍增祺奏自本年拳匪肇禍中外失和吉江兩省相繼淪陷奉省自六月上旬拳匪猝起焚掠洋局殺害教民萑苻遍地洋人護路平匪來兵幾千兵民潰逃匪徒乘勢擾攘營口復州蓋平熊岳金州海城遼陽等處以次失陷閏八月初六日謹護聖容出省晉昌壽長均先後逃出初九日俄兵四百入省城十一日日本兵三百繼至把守各門並有日兵分守福陵昭陵十二日出示安民照常交易惟官員四散匪徒滋擾請速簡大員暫攝省務庶可保護子黎趕辦善後接待外夷奴才

奕劻奏擬
向匯豐借
二百萬兩
以濟急需
電

李鴻章奏
各使云如
易江鄂兩
督則和議
難成電

待罪封疆不勝迫切待命之至

此摺由奉天通化縣知縣陳璋專弁渡海交
登萊青道衙門轉達巡撫袁世凱遞至行在

慶親王奕劻電奏 前請飭沿江沿海各省督撫於應解京餉內湊集
百萬兩匯京以濟急需未知能辦到與否現在需款甚急擬向匯豐借
二百萬兩如沐俞允當與赫德商辦如折耗過多且從緩議
旨電慶親王奕劻來電悉著照議行

安徽巡撫王之春奏現在駐蹕長安防陝須先防豫應派大支勁旅遠
逾彰德西北守潯沱漳河與正定固關之師互相援應以取遠勢摺
李鴻章電奏 頃各使來詢據駐滬領事電云聞中國欲將江鄂督更
換有此事否鴻答以兩督奉便宜行事之旨現正會商要務倚畀方深
此必訛傳伊云如果易此二督則和議難望有成云

劉坤一等
奏董福祥
最爲洋人
所忌宜先
撤其兵柄
電

旨電奕劻李鴻章現正開辦和議劉坤一張之洞均奉便宜行事朝廷倚畀方深外間謠言不足爲據着該王大臣與各使明白言之

初四日 行五十里駐蹕西安府城行在

上諭朕恭奉慈輿巡幸西安一切供億胥關民力所有陝西潼關華陰各州縣經過地方應徵本年錢糧均着加恩豁免

劉坤一張之洞電信 各公使差領事來屬代奏堅請回鑾並請辦董福祥問催回鑾何意云回鑾可離開董提督免其挾制朝廷告之曰若將董調他處可否彼意稍動各處電報圈禁四人雖未滿意尙可商量毓董首惡堅請重典若不允當用哀的美敦書云董最爲洋人所忌似宜先撤其兵柄請聖裁

奕劻等奏
洋兵欲西
趨請辦罪
魁剛毅諸
人或可阻
止電

軍機處札行署直隸總督廷雍 據署直隸總督廷雍稟已與法提督面談議定各條內一條云法兵既認保護所有地方強插中國旗並插法國旗凡有法旗之處無論何國兵來均有法提督承管保護等語即着廷雍與法提督取有切實確據庶各國官兵到該地方不至擾亂並徧行曉諭各該地方官先期知悉爲要

慶親王奕劻大學士李鴻章電奏 據廷雍電洋兵到保定洋兵官責令廷雍往迎請代保鐵路均照允行等語察其來意似欲西趨倘能亟辦罪魁剛毅董福祥諸人庶可阻止伏乞乾斷

旨電奕劻等所有釀禍諸臣應如何辦理得當着迅即電覆以便照行洋兵前進不已究竟如何命意卽探明電奏

初五日 駐蹕西安府城

李鴻章電奏 洋兵萬餘至保定者僅千餘人該府徧插洋旗又一枝赴河間獻縣一帶有西向正定及赴景州之說以陳澤霖曾毀景州教堂也聞各國因駕幸長安疑袒禍首致有分兵西進之意昨奉事定回京之旨已徧示各領事並許速辦禍首各使允電本國止兵此次各國幸有牽制若能安速定議可望勿失土地請乾斷施行

旨寄錫良宋慶馬玉崑獲鹿防務最關緊要著宋慶馬玉崑飭各統領嚴整以待其南口居庸關仍著嚴密防範萬本華一軍恐不足恃該提督妥籌兼顧會商錫良辦理

劉坤一松椿聶緝槩奏江浙存滙漕糧由鄂運陝籌辦情形摺奉硃批

戶部速議具奏

河南巡撫裕長奏起運撥解行在兵米並遵旨截留通境兵餉預撥米價片

軍機處片交前路糧臺所有隨扈王公以及大小文武各員每月津貼已奉旨分別酌減咨送不入八分公載瀾係御前大臣奉旨每月發津貼銀二百兩著即欽遵辦理

計開

親王每月五百兩郡王四百兩貝勒三百兩貝子二百五十兩入八分二百不入八分以下各司職每月照品級給銀兩一二品大員一百零五兩三品以下京堂七十五兩五品以下司員四十五兩七品以下

李鴻章奏
楊儒電俄
佔東三省
擬先與商
交還電

司員三十兩都統副都統一百零五兩頭等侍衛參領佐領四十五兩二等侍衛花翎侍衛以下三十兩

初六日 駐蹕西安府城

李鴻章電奏 接楊儒電格使想已抵京儒晤外戶部聲稱均以修好之事爲急告以俄據東三省中外嘖有煩言彼云俄好意始終如一力之所及無不相助云云竊以現方開議擬向彼商先交還東三省各國當有觀感惟交城需人接手現三將軍爲誰總以明白曉事爲要祈速示以便商辦又外戶部均請兩宮還京如奉旨允准不難勸各國退兵各國均無他意機不可失且於開辦和議大有關係云又云俄兵到盛京時民方搶掠幸兵已抵城故官廨廟宇均保全陵寢亦派人看守若

遽撤兵恐亂復作告以已電全權催令各將軍前赴接洽並交收地方
彼云如此不難商辦並可少留巡兵聽將軍調用以資彈壓惟保路之
兵一時尙不允全撤乞代奏請旨云云查東三省已失俄允交還是好
機會壽山延茂均自盡長順增祺不知存亡此二人尙明白請旨飛飭
該二員妥商接收事宜黑龍江宜另揀妥員如綽哈布等遴派速往或
不至誤事謹奏

旨寄奕劻李鴻章豪電悉據楊儒電稱俄允交還東三省該親王等與
俄格使有無接洽此事須與俄使商訂的確方可派員接收黑龍江將
軍本日已放綽哈布矣增祺長順即著奕劻等設法查明現在何處准
其傳旨先行接管如果一時查無實在下落並著該親王等於在京各

大員中擇其堪勝此任者酌保數人速行電奏以便簡派前往並須與俄使妥商保護方無阻隔而期迅速以上各節該親王等商定後即行電覆爲要

上諭綽哈布著調補黑龍江將軍成都將軍著奎俊暫行兼署

旨電羅豐祿支電悉駐蹕太原迭經降旨將教堂保護毓賢已擯斥不用著向英外部明白詳告

初七日 駐蹕西安府城

慶親王奕劻大學士李鴻章電奏 臣鴻章於上月十八日到京與臣奕劻晤商當以赫德係首先倡議和款之人邀往相見並以臣等所擬議條示之囑與各使通意約期會商首列圍攻使館中國自認不是以

奕劻等奏
已囑赫德
與各使通
意約期會
商電二件

後保其必無是事認賠款次之改條約以重商務修衙署以維政權又次之而總歸於撤兵停戰各使聞鴻章至本月初三初四兩日齊集英館籌議事甚秘密無從探訊然聞赫德云則不辦禍首不能開議此事之較然者伏乞聖明剛斷行之至會晤後如何情形容再馳陳謹奏

又電奏 前奉上諭洋兵未退未便回鑾臣等何敢瀆奏惟以各國祈請之殷與衆庶士民盼望之切亦祈明發諭旨將俟春融定期回鑾情節徧使聞知於邦交民隱不無裨益謹奏

旨電奕劻李鴻章據錫良宋慶電稱晉省防務日緊兵心憤激如果洋兵攔入晉境不能不併力抵禦阻其長驅直入等語現在正將開議和局萬不可決裂本月初四日電諭該親王等力阻洋兵前進並詢西進

不已究是何意尙未據覆茲據錫良探稱洋兵入保定後分段佔據鎗礮被收法兵前隊已入定州如果屬實何以未見李鴻章電奏現在局勢迫切該王大臣等若不設法先行阻止勢必又開釁端大局不可收拾本日已諭錫良相機因應毋許孟浪但事機所逼激成釁端殊難逆料著奕劻等與各使臣切實商阻洋兵前進一面速籌開議免誤大局至釀禍諸臣叠諭該親王等秉公覆核擬議並著速行電覆旨電錫良宋慶洋兵已抵定州意圖西趨著急籌防務慎守要隘現已電奕劻等速與各使商量阻其前進

初八日 駐蹕西安府城

呂海寰致李鴻章電信 德外部函覆中堂青電悉德皇現降諭恩准

裕庚致樞
垣法廷謂
若不同變
和議萬不

查驗中朝所派中堂及各大臣之全權字據惟德皇所注意者必須中國朝廷即速回京以便易於商議且收實效中國庶可因而復舊歌四川總督奎俊奏紳士陳光弼等籌墊捐款銀十萬兩解赴行在摺奉硃批陳光弼著傳旨嘉獎

初九日 駐蹕西安府城

上諭鹿傳霖著補授禮部尙書廖壽恆病請開缺

上諭瞿鴻禨著補授都察院左都御史

初十日 駐蹕西安府城

使法裕庚電信 前上支電想蒙代奏法廷之意總因兩宮尙未回鑾是以久無回音陝省邊地早寒非乘輿久駐之地薄海臣民同切叩顙

能成電

各國亦僉謂變興若不早回和議萬不能成若再事遷延恐難設想事機遲速間不容髮轉危爲安全在聖心謹痛哭籲陳伏願皇太后皇上俯鑒愚忱早從所請以慰普天之望無任急切待命之至請轉奏

倉場侍郎長萃劉恩溥奏京通各倉庫均被洋兵佔據摺

留京辦事大臣崑岡等奏現於柏林寺暫設公所辦事摺

廷雍電稟 閏八月二十六日英法德意四國兵到保定旋將督署盤據所有布政司庫及四城均派兵看守二十八日德兵入布政司署拔去龍旗搬運輜重當約洋兵頭面與商量然後揮退洋兵將德國旗幟拔去並允宅門以內不相侵犯請代稟

又電津城失陷海關奉撥京餉無從籌解稟

上諭據廷雍稟報閏八月二十六日英提督賈爾思帶同英德意三國兵官將督署佔據又派兵把住司庫四城亦派人看守法提督前允保護現置若罔聞等語現在洋兵在保定情形迥非初到時可比著李鴻章詳詰各使務踐保護前言免致別生枝節爲要

旨寄董福祥該提督舊部三十一營現在餉項支絀着切實裁併

十一日 駐蹕西安府城

軍機處代遞李鴻章電信三件

旨寄奕劻李鴻章三電均悉著再與各使極力磋磨以事屬可行爲度至齊電所稱先發制人之計恐我爲先發制人彼仍尙未滿意枝節迭生何以收束應俟該親王等覆奏二十六日電旨到日一併明降諭

旨分別從嚴懲處以期一氣完結早日開議此意奕劻李鴻章當能體會及之原電未登機

電報西局稟署直督廷雍被洋人拘禁已十四日尙未放回英國兵於初五初六兩日意國兵於初八日均撤回京城法國派兵三千往易州一帶剿辦拳匪旋將該城佔據正定僅留洋兵百餘名西犯之謀幸而中止

十二日 駐蹕西安府城

軍機處奏所有緊要事件請飭各督撫暫行改題爲奏片奉旨依議
總統陝軍山西布政使奴才升允奏爲洋兵西竄易州防務喫緊請留武衛中軍三營併力守禦恭摺馳陳仰祈聖鑒事竊奴才蒙恩調補山

升允奏洋
兵西竄請
留武衛中
軍併力守

禦摺

西布政使當經籲懇陛見並聲明擬赴太原迎候批摺就便與撫臣面商防守事宜嗣聞保定一帶迭有警報直督毗連未敢輕離防所並由靈邱進紮廣昌以固門戶閏八月二十七日有武衛中軍中後右護軍等營由霸州爲洋兵所逼無所歸依叩關來投奴才親赴紫荆關逐加點驗雖稍散失尙能成軍約略可併爲三營當經稟商撫臣錫良暨欽差大臣大學士臣榮祿俾留晉省藉資防堵奴才所部陝軍八營其三營爲直隸前護督臣廷雍留戍固安現尙未回僅餘馬步五營分布各要隘實屬不敷得此一軍稍厚兵力其足恃與否尙不敢知也九月初二日據探報稱洋人已入易州徧插旗幟初三日又有趨官坐嶺之信官坐嶺與紫荆關僅隔二十里間道相通尤防偷渡奴才督飭各營晝

夜防守現值停戰議和之際決不敢鹵莽致彼有所藉口亦決不敢退讓使彼得逞狡謀婉言以謝之峻辭以拒之萬不獲已則據險截擊効死勿去奴才報國如是而已謹將現在防務喫緊緣由恭摺馳陳伏乞皇太后皇上聖鑒謹奏光緒二十六年九月初五日發十二日奉旨寄錫良升允現與各國將開議和局萬不可決裂升允駐紮紫荊關一帶務與錫良妥籌毋誤大局如洋兵前進先行派員勸阻

十三日 駐蹕西安府城

奕劻李鴻章奏遵議端郡王等處分無可再加摺未發下

奕劻李鴻章奏遵議剛毅毓賢等處分摺

徐卨等奏遵議英年等處分摺

裕德等奏遵議公載瀾等處分摺

十四日 駐蹕西安府城

錫良電奏 據升允電初七日洋人撲紫荊關已刻失守現退紫浮圖峪距廣昌僅八十里廣昌與晉之靈邱接境現商宋慶馬玉崑帶隊來晉豫交界堵禦未知能否遏阻寇氛

旨電錫良洋兵分撲紫荊關官兵退紫浮圖峪北防甚亟究竟洋兵若干着會商宋慶馬玉崑設法堵禦

戶部奏災象已成請遴派義紳募捐辦賑摺

旨寄劉坤一松壽聶緝槩等陝西災象已成著該督等飭令嚴作霖邀集各紳士分投辦賑盛宣懷久駐上海熟悉商情並飭勸募鉅款源源

接濟仍咨行四川省曉諭紳士量力捐輸

十五日 駐蹕西安府城

盛宣懷奏遵提京都中國通商銀行所存武衛中軍餉銀並酌擬賠繳辦法摺

陝西巡撫岑春煊奏請懲處肇釁失律之員以維和局摺

旨寄岑春煊前諭毓賢毋庸來見現聞將到西安殊堪駭異該員前已開缺着即革職無論行抵何處著岑春煊派員拘留看管聽候查辦

李鴻章電奏 聞洋兵攻陷保定直隸藩司廷雍及臬司沈家本均被拘繫洋官以廷雍庇拳仇教欲置之死沈家本拘在福音堂云有人控告當候質證永平府重燠亦被俄執赴旅順監禁

李鴻章奏
直隸藩臬
廷雍沈家
本均被洋
兵拘繫電

旨電李鴻章來電悉藩司廷雍被洋兵拘留現在是否放回直隸藩司缺尤關緊要著該督酌量辦理並保奏堪以勝任之員請旨遵行沈家本拘在福音堂永平府知府重懷被俄兵執往旅順究因何事著一併詰問放回

十六日 駐蹕西安府城

旨電奕劻李鴻章電悉依中國例毓賢處分祇可辦到遣戍而止自非大逆不道封疆大吏無正法之例董福祥係統兵大員開釁以後戰事一切非其所得自主礙難重議處分一時亦未便撤其兵柄須與各使極力磋磨爲要

旨電奕劻李鴻章文電悉懲辦禍首迭經諭令磋磨迄今未能就範殊

堪憤懣總之長安並無久居之意一俟款議就緒即當定期回鑾該王大臣仍須堅持力辯速催開議爲要

十七日 駐蹕西安府城

朱祖謀等
奏洋兵西
趨勢將入
晉乞早定
大計摺

翰林院待講學士朱祖謀等奏聞洋人與全權要素三端一懲禍首二請回鑾三禍首由洋官公同議罪聞全權大臣不敢答應洋兵因而西趨勢將入晉危急之情間不容髮宋慶馬玉崑屢敗之將如何能支董福祥軍無紀律如何能戰岑春煊錫良素不知兵如何能當大敵伏乞聖心早定大計勿令禍及燃眉伏乞聖鑒謹奏

十八日 駐蹕西安府城

盛宣懷奏
洋兵殺害

盛宣懷電奏 今日洋兵將藩司廷雍城守尉奎恆及參將王占魁圍

廷雍等並
索稿師十
萬電

李鴻章致
樞垣廷雍
等被害瓦
帥不肯接
晤無從與
商電

赴城西隅殺害德法英意四國出告示廷奎二人縱庇拳匪罪尤應殺
沈梟罪輕擬以革職云云頃聞沈梟拘在福音堂請飭李鴻章與各使
商量釋放又聞洋人索稿師十萬限期交款責成州縣辦理又有德兵
二千西行恐趨固關謹奏

李鴻章電信 藩司廷雍及城守尉奎恒參將王占魁均被瓦帥用洋
鎗擊斃梟司沈家本看守待質聞因教民控告德法兵尙留省城探聞
升允兵駐紮紫荊關者與武衛軍將英法兵擊傷十餘人現洋人派隊
往援恐將開釁洋兵進止均由瓦帥主持瓦帥據住儀鸞殿不肯接晤
無從與商奈何

旨電李鴻章各國既真心和好即使中國官有辦理不善之處亦應交

中國自行懲處廷雍被害豈非侵我自主之權臬司沈家本尙在福音堂拘禁該大臣即迅向各使理論務令釋回以便自行懲處

旨寄李鴻章載瀾載勛現已革職圈禁目下正在開議條約之時着錫良將該革王等於蒲州管束莊親王一并嚴加看管

旨電奕劻李鴻章據盛宣懷奏法兵西行恐赴固關錫良奏洋兵已據紫荆關已至廣昌著奕劻等迅速派員設法勸阻早日開議爲要再元電稱英使云裕長心恨西人毋令官於交涉各省分湖北交涉事件向係總督爲政非巡撫所得主持務向辨論勿侵我自主之權裕長現令來京陛見

山東巡撫袁世凱電奏

洋兵漸逼東省當飭近直邊界州縣於界首

袁世凱奏
洋兵到德

州樂陵旋
即退去電

奕劻等致
樞垣牛莊
遼陽繼失
俄逼北京
日電佔興

遍立界牌遇有洋兵隊來即告以東省自任保護所有鐵路礦務現均請洋工程司開辦教民亦還聚無事不可攔入東境並電告法國兵頭勿生事頃接覆電許即退出東境查洋兵僅到德州樂陵邊界旋即退去尙屬遵約自當加意嚴防請寬聖慮

旨寄袁世凱覽奏東省防務辦理尙屬周妥山東地方緊要內患叢生外人環伺籌防未可稍鬆現在和議未定洋兵仍有西趨之勢如其攔入魯境該撫即分兵追躡其後俾有牽制

奕劻李鴻章電信 前奉電旨增祺長順著查明現在何處准其傳旨先行接管當因奉吉道路不通商請俄使允電旅順插睦伯力總督就近查訪該兩將軍現在何處代爲傳旨先行接管頃據增祺等九月初

一日義州來函閏月初牛莊遼陽繼失敵氛逼省垣時山海關已陷北路俄兵亦逼東路興京爲日本所佔守城無應援守陵則礮火可慮不得不暫退爲議和地步俄兵隨即入城請代奏云云查東三省開釁實由晉昌拆毀鐵路以致大局敗壞已另摺奏鴻即電覆傳旨令赴瀋陽與俄將籌商接收事宜請代奏

十九日 駐蹕西安府城

岑春煊奏和局遷延日久迄未開議謹呈管見摺

都察院左都御史瞿鴻禨奏密陳根本大計摺

上諭工部尙書瞿鴻禨補授張百熙補都察院左都御史

李鴻章電信 英意兩國天津兵均已撤回京城德法分兵往易州搜

奕劻李鴻章奏各使注意在德辦禍首並請回鑾電

匪將陵寢封閉鎖鑰交英國收管正定德州均有洋兵開往

旨電奕劻李鴻章據奏德兵分往易州搜勦拳匪將陵寢封閉殊非情理著奕劻李鴻章向德使切實詰問

慶親王奕劻大學士李鴻章電奏 現照會各使開議均諉之統兵提督而各使注意總在嚴辦禍首十一人必須正法不肯鬆勁敬求宸斷各使尤以啟鑾之遲速定和議之成否並祈速定回鑾日期鴻可保其必無侵犯也

錫良電奏 法兵已入廣昌靈邱萬繁峙縣屬之大盈河等鎮教民應之馬玉崑現帶隊前往堵截

旨寄岑春煊毓賢著派員解回山西境內由錫良擇定處所交地方官

妥爲看管聽候查辦

二十日 駐蹕西安府城

旨寄奕劻李鴻章據奏函商各使開議大概情形一摺覽奏已悉即著與各使速商開議無論如何爲難總當極力磋磨以期早就範圍上月二十六日諭令該親王等酌議處分尙未覆到著即迅速電覆以憑核辦

李鴻章電奏 廷雍已被殺奉旨飭保大員堪勝直藩省查四川藩司周馥在直年久深明交涉事宜請調該員來直必能整頓地方求恩飭令乘江東下來任直藩

上諭周馥著調補直隸布政使四川布政使著鳳林補授

上諭電奎俊周馥已調補直隸布政使著即飭令速行交卸乘江東下
到省任事

旨寄劉坤一據岑春煊奏米石將抵陝境請定設局省分以利轉輸一
摺此次運陝米石在漢口老河口龍駒寨設立總分各局並於陝西省
城復設總局委員專司交兌係劉坤一等原奏是設局轉運交兌應歸
南省辦理惟沿途需用船隻驢騾仍應由地方官助理代雇至水陸運
費亦應籌辦岑春煊尙因雇備驢騾無款墊辦應由行在戶部暫行借
撥以資應用

二十一日 駐蹕西安府城

陝西巡撫臣岑春煊奏爲敬陳管見上備采擇恭摺仰祈聖鑒事竊臣

岑春煊奏
請飭妥議

承准軍機大臣字寄光緒二十六年九月二十日奉上諭岑春煊奏獲咎大員行抵渭南遵旨看管一摺毓賢於山西巡撫任內獲咎諭令勿庸前來乃竟擅行來陝著岑春煊即行派員仍解回山西境內由錫良擇定處所飭令地方官妥爲看管聽候查辦等因欽此遵旨寄信前來自應欽遵派員馳赴渭南將毓賢卽行起解而臣愚昧之見有不能不過慮者敬爲我皇太后皇上陳之查毓賢今年夏間所殺山西教堂洋人三十餘名教民不在此數此乃晉省官民共見共聞實爲外人所切齒今朝廷已知毓賢辦事操切屢被叅劾情形甚重若蒙予以遣戍俾其効力邊陲是中國獲咎之員仍治以中國之法雖未必能滿外人之意而業已準情定罪似不至再有煩言是亦保全毓賢之一法若此時

解往山西飭地方官看管洋兵現紮正定與山西毗連毓賢不往洋兵之進止猶未可知毓賢既往恐洋兵之來未易遽止以一毓賢爲引兵之餌似非計之得也且洋人知毓賢僅罷官未蒙嚴譴或請於我必欲得而甘心從之則國體何存不從則兵端競起三晉交鋒關輔震動所關於大局者尤非淺鮮臣反覆籌慮不得不上瀆聖聰願此一得之愚何敢執以爲是伏念受恩深重目下局勢甚危小有差池動爲外人所藉口儻毓賢以孤負委任愧對朝廷因而自隕其身命彼時外人有言在我者轉無以自解於和議亦多妨礙可否諭飭樞臣再行妥議之處伏俟聖裁臣愚昧之見是否有當伏乞皇太后皇上聖鑒訓示謹奏

劉坤一張之洞奏請速定肇禍諸臣處分摺

軍機大臣奏請將端郡王載漪等交宗人府圈禁片

上諭此次肇禍諸臣前經分別懲處現在拳匪尙未淨盡以致地方糜爛生民塗炭追原禍始憤恨曷勝若不嚴行懲治無以服天下之心而釋友邦之憾端親王載漪著革去爵職與莊親王載勛交宗人府暫行圈禁俟軍務平定後發交盛京永遠監禁已革怡親王溥靜貝勒載瀅交宗人府圈禁貝勒載瀝業已革去爵職著閉門思過載瀾著停公俸降二級左都御史英年著降二級調用兵部尙書剛毅已故著免議刑部尙書趙舒翹著革職留任已革山西巡撫毓賢著發往極邊安置永不釋回該衙門知道

旨電奕劻李鴻章肇禍諸臣本日已降旨重懲明發上諭著該王大臣

迅即照會各使剋期開議毋再宕延

旨寄盛京將軍增祺現在東三省俄許交還著增祺與俄員妥商接收事宜嗣後商辦情形隨時電奏

二十二日 駐蹕西安府城

錫良電奏 法兵退出紫荆關大盈河兵亦退去持示往諭居民已安靜馬玉崑萬本華兩軍分紮雁平一帶東防如前惟聞正定洋人添兵保定又運軍火敵情詭甚現飭各營實力嚴防

旨電錫良劉光才已抵晉境著錫良飭該總兵前赴大同鎮本任將邊防事宜認真籌辦

二十三日 駐蹕西安府城

懿旨萬壽節著在便殿行禮其餘禮儀一律停止

二十四日 駐蹕西安府城

上諭裕長着開缺另候簡用湖北巡撫着景星補授李興銳着補授江西巡撫

二十五日 駐蹕西安府城

奕劻李鴻章致樞垣報與聯軍統帥瓦德西晤談語錄 九月二十四

日奕劻等隨帶譯員廕昌命駕前往聯軍統帥瓦德西處鴻章先至寒

喧畢鴻云前數年在德國與貴統帥會晤後時爲惦念今日得見甚爲

喜悅瓦云貴大臣聲望甚著今日復見何幸如之鴻云吾甚望中國民

智漸開舉辦各項新政逐漸富强瓦云吾深知中國極富但須設法以

奕劻李鴻章致樞垣報與聯軍統帥瓦德西晤談語錄

變之耳歐美各處吾殆已行徧貴大臣在德國時曾談及毛奇將軍將軍卽吾師也渠亦力主改良政治鴻云吾在德時毛將軍已故與卑士麥克王爵暢談蒙德皇后賜宴並晤皇子貴統帥自一千八百七十年起是否一向帶兵瓦云然中間有時參辦交涉事宜貴大臣在此頗無所擾否鴻云然瓦云兵爭一事無論何人殊形不便鴻云吾聞聯軍將往張家口確否瓦云不過至長城爲止該處聞有華兵鴻云該處華兵無非爲彈壓地方起見瓦云保定府附近各處亦有華兵該兵並不剿除團匪鴻云北方華軍專爲彈壓地方並不與西人爲難瓦云此間華軍無紀律者頗多北省人民頗不願有之鴻云吾意此係道路之言並不確鑿瓦云如貴大臣能保華軍不與聯軍相近則吾必不遣兵前往

各處鴻云聯軍所佔各處吾不甚詳悉瓦云吾將示貴大臣以圖鴻云
 謝謝然德軍將往張家口否瓦云如華軍與之抗拒則德軍必往聞該
 處有某教會在彼爲百姓所虐待鴻云吾知該處教會斷不至有險況
 吾已到京當更無是事瓦云此軍不可不發鴻云保定府乃拳匪淵藪
 刻下已甚安靜瓦云北京與兩宮如何通電鴻云此間電致上海再轉
 漢口而入西安貴國大皇帝曾勸皇上返蹕北京奈吾皇上願慎重而
 行語至此奕劻亦到經鴻引進劻云吾久望與貴統帥締交瓦云今日
 得見王爺吾心甚喜所不幸者此來爲兵爭事而來耳劻云德使被戕
 兩宮暨中國人民均爲惋惜抱歉之至瓦云甚望兩宮早日回京劻云
 吾亦望皇上早日東歸惟刻下難於布置請貴統帥轉請各公使早將

和議條款議定近日皇上有諭云和議一有頭緒即將返蹕況貴國大皇帝亦請皇上回京瓦云王爺須知吾已奉令以皇帝禮接待皇上勅云甚善二年前亨利親王來時敝國亦以禮接待瓦云彼時德王聞之甚喜吾皇亦甚願與中國共守和局方中東構釁時吾皇即有此言鴻又言及聯軍所據地方之圖瓦云聯軍刻修楊村北京鐵路不日即可開用鐵路鄰近各處居民必須安靜方可吾望該處已無拳匪以後此線亦可爲百姓轉運之用鴻云俄軍修理鐵路工程並未停止北京至楊村鐵路能復舊否瓦云吾意自能復舊惟鄰近人民均須安靜設有事端該處人民不能辭其責鴻云如有兵保護則必無其事蓋該處人民畏兵如虎也瓦云北京居民未歸者尙多否勅云歸者約有大半鋪

戶以無本錢故未開者尙多瓦云居民在京者其產業或可保全吾之閱歷亦自幾經戰陣而來兵爭之時居民有財產者不宜他往如北省一帶能從此安靜吾心更喜鴻云深望和局即可開議瓦云約日內即可開辦但和議既開亦須早有歸結不過中國須喫虧耳如早日歸結則喫虧較少鴻云現欲與華軍通信以無電報故殊形不便請貴統帥給與護照瓦云此非必需之物況貴國送信章程已極好不必再多此週折鴻云如貴統帥給與護照較爲便益瓦云如華軍不在聯軍所佔處駐紮則吾能設法令人幫同通信鴻云護照不但作送信之用卽派員他往亦可用之瓦云如信中言能使吾知卽可照辦勛云所通各信自與兵事無干瓦云旣與兵事無干即可由吾處代寄鴻云如有上諭

前來亦須護照瓦云容吾思之吾望自此以後常與貴王爺貴大臣相見勛云刻下各信均已扣留瓦云吾想並無此事惟刻下萬不能以護照相與華軍在直隸省尙多必須遣往他處其餘辦事各員如與聯軍有益者自可容之鴻云現正切實設法互相聯絡貴統帥於在直隸辦事各華官詳查當知無阻難之意矣言至此辭告別

旨禮部尙書啟秀刑部左侍郎徐承煜着即革職交奕勛李鴻章查明確據從嚴叅辦

二十六日 駐蹕西安府城

甘肅提督董福祥奏遵旨裁併勇營以節餉需摺

上諭寄于蔭霖據董福祥奏裁併勇營一摺甘軍素稱得力董福祥著

李盛鐸致
樞垣東報
載駐京各
使會議擬
索各款電
二件

募足二十五營之數此外前調武衛中軍馬隊兩營仍歸該提督接統
餉需由榮祿撥給河南採運米一萬石撥給董軍糧食

二十七日 駐蹕西安府城

李盛鐸電信 東報載倫敦電駐京各使會議擬索各款一爲克林德
立紀念碑派親王使德慰謝二廢總署三懲首禍各王大臣四撤大沽
及直隸沿海礮臺五禁軍火進口六肇亂地方停考試五年七按各國
通例改覲見儀注八留兵保護使館九京沽沿路酌量駐兵十償款另
稱第二條當是改爲外部止設大臣一員云乞轉榮相鐸宥

又電 聞各國續增各款因教案罷斥人員不得任用係美國提議重
定現行條約係英國提議派員監理中國財政備抵償款係義國提議

傳聞各使自行會議二十八可畢云鐸鑒

二十八日 駐蹕西安府城

上諭寄奕劻李鴻章現在事機萬緊該大學士速即會商劉坤一張之洞開議所索各條有無萬不能行之事款議可成不可敗惟該王大臣等是賴朝廷不爲遙制也

旨寄劉坤一張之洞現在駐蹕西安運道尤關緊要當分兩路設局憚祖祁旣專辦漢口一路其清江轉運局派程蘇祥蒯德浦會同辦理該督等務當寬籌經費以資接運遇有過境餉項軍火一并妥爲照料

二十九日 駐蹕西安府城

奕劻李鴻章電信 各駐使均以攻交民巷事必欲誅戮禍首且云歸

奕劻李鴻
章致樞垣

各使云不
辦董福祥
萬難開議
電

還中國自辦尙是還中國體面懿親本有減等之條何以罪太重而罰太輕僅議革爵職何以徐袁許等五大臣止因勸和而受戮云云臣等詰以一切歸還中國自辦何以廷雍等三人慘遭顯戮彼云因該三犯殺戮教民太慘故德瓦帥殺之以示威此不在首禍之列又云搜出軍械有武衛軍字樣中國不辦董福祥顯係榮中堂庇護告以當日兵力豈不能破交民巷所以不破者賴榮彈壓也該使語塞而總以不辦董提督難開議應速請旨

旨密電奕劻李鴻章電悉董福祥帶兵無狀獲咎甚重朝廷不即加重罪者特以久握兵符爲甘陝兩省漢回兵民所傾向若辦理稍涉操切董福祥一人不足慮而兩省愚民悍卒罔顧大局深恐一時閭動致成

奕劻李鴻
章致電恒
楊使電俄
主覆書請

鉅禍爾時平民既遭慘劫兩省教堂必首受其害不可收拾所以不得不躊躇審顧者以此否則朕於親郡王之未在案者尙不肯稍涉回護何獨袒庇董福祥一人此情當可共諒也前已撤去該部勇隊五千餘人原期漸撤兵權撫定人心徐圖辦法現擬明發諭旨只含而不露至革職而止此後如何嚴懲斷自朕衷總之此人斷無輕縱之理惟事須相機妥辦不能尅期豫定耳着奕劻李鴻章將此密旨轉告各使以釋其疑是爲至要

十月初一日 駐蹕西安府城

奕劻李鴻章電信 據楊儒諫電黑海遞到俄主十二日覆書文曰貴國駐使楊儒轉呈大皇帝電傳國書內稱各情我甚感動足見大皇帝

速回鑾電

奏全塹岫
入境巡兵
現均退出
摺

暨貴國之心實深欣幸現中國釁端我必仍竭力挽救和平速了當可
見信但須速回鑾駕自秉大權和商一切則俄國顧全鄰誼維持大局
亦易爲力當蒙許可不勝厚望至中俄數百年交誼輯睦永敦目前雖
稍有違言不難修復舊好也等語請代奏

初二日 駐蹕西安府城

奴才壽全奴才塹岫奏爲洋兵入境巡查現均退出謹恭摺奏聞仰祈
聖鑒事竊於光緒二十六年九月十五日接據署遵化直隸州知州梁
丹銘稟報現有洋官德西沙拉督帶洋兵駐紮該州有欲赴馬蘭峪之
說奴才等當即飭屬嚴防十六日戌刻突有洋兵馬隊三四十名至馬
蘭峪周查而去十七日未刻復有洋兵馬隊四十名前來攔阻不及竟

入圍牆該洋官至景陵瞻仰尙無別情旋即退去二十一日接據薊州知州姚虞卿稟報有法國洋兵二千餘名現抵該州尅日東下等語奴才等趕緊派員設備二十二日已刻洋官尼姓帶領馬隊二百餘名二十三日洋官吏姓帶領步隊洋兵二千名先後到馬蘭峪聲言此次前來專爲巡查有無拳匪官民不可驚惶等語奴才等督飭文武員弁善言相待給以寓所食物設法安置洋官等至陵寢瞻仰奴才等隨處保衛洋兵在境內遍處巡查尙未滋擾於二十五日全行退出嗣探得此起洋兵已於二十六日回薊州意在西指矣奴才等於兵退後親查風水圍牆以內並無事故全境軍民均尙安謐所有洋兵入境退出情形謹恭摺奏聞伏乞皇太后皇上聖鑒謹奏光緒二十六年九月二十九

日發十一月初二日奉硃批知道了仍著隨時認真守護毋稍疏虞
張之洞奏暫借洋款以濟要需摺奉硃批該衙門知道
又奏查拿康黨富有票會匪以杜亂源片奉硃批着即電咨三江兩廣
等省一體嚴拿

初三日 駐蹕西安府城

錫良宋慶
馬玉崑致
樞垣洋兵
紛進請電
全權撤回
電三件

山西巡撫錫良電信 昨因固關防軍統領張道成基猝故以劉鎮光
才將入晉移委接統暫派知府吳匡照料電請代奏在案頃據探報洋
兵馬十六名步九十名廿九日到獲鹿尙有大隊在後正定運來軍火
二十餘車大礮數尊西犯之迹已明而劉鎮光才甫抵趙州來晉尙需
時日防軍無統與司道會商選派湘軍營官張鎮德朝暫統俟劉鎮到

防交替又據忻州飛報洋兵已到直隸阜平縣距五台縣屬龍泉關甚近前已派兩旗扼防現又添派一營又據大同鎮府飛報據宣化鎮函稱洋兵廿二日至延慶州一千餘名有往歸化之說楊鴻禮赴枳兒嶺以防北路升允駐靈邱萬本華駐平型關以防紫荆後路又據大同鎮函稱廿六日洋兵大隊直入宣化掠掠軍火敵人多方牽綴防不勝防晉省兵力已竭迭與宋馬兩提督會商妥籌嚴備竭力抵禦似此萬分緊急夏丁兩軍可否前進接應防門戶似勝於防堂奧伏乞訓示再正在議和洋兵紛進不止阻之則必開釁讓之則竟長驅關繫均極重大仍遵前旨飭吳匡俟其來時先行理喻倘彼先放鎗礮不能束手以待貽誤大局總之釁自彼開我實出於無奈應請電諭慶王李鴻章婉向

各國開導速將洋兵撤回共維和局中外同幸伏乞電覆請代奏東

宋慶等電奏 頃接大同鎮楊鴻禮函稱洋人大隊並有許多教民於

二十六日四點鐘直入宣化該處官員出迎入城後四門緊閉出入監
查該鎮已親帶練軍兩旗前往天鎮枳兒嶺一帶防堵並請派隊接應
等情前來臣等會商洋兵既入宣化逼近晉疆已越居庸關之西因將
防守居庸之馬心勝各營調赴大同會合該鎮練軍厚集兵力相機因
應謹合詞電奏臣宋慶馬玉崑錫良謹奏東

馬玉崑電信 武衛前軍左路范天貴步隊五營前經廷雍函商留於
保定昨有該軍勇丁逃回云該范統領帶隊勦辦拳匪遇洋兵向收鎗
械不服互相開鎗范天貴陣亡洋人頭目亦斃該軍弁勇皆向河間暫

依呂本元而呂提督未肯收錄等語該軍所領皆係曼利夏快鎗並格魯森快礮四尊既未被洋人收去誠恐散勇資以爲亂乞飭呂提督就近收錄設法辦理馬玉崑東

旨寄錫良宋慶馬玉崑東三電均悉現在京師正將開議費端萬不可開仍著飭各軍嚴密防堵相機辦理仍隨時確探電奏勿稍疏虞

宋慶電奏 前將洋兵已入宣化電奏在案現據東路探報法兵頭隊馬步各數十人於二十九日入獲鹿尙有大隊在後等語到處教民勾結聲言晉省所殺洋人教民太多欲報復東北兩路現已齊來勢將西趨正值議和之際所到各城官皆出迎供應民亦力求勿戰免擾其怒遂使洋兵無所忌憚且到處要挾收我軍械前進不已無所底止臣不

得已與錫良馬玉崑再四相商倘真攔入晉疆惟有竭力抵禦軍中子彈昨又運到數十萬尙可一戰豈非我開實逼處此亦復無可奈何伏乞聖鑒臣宋慶謹奏江

旨寄宋慶江電悉洋兵西進不止其爲意在尋仇可知著宋慶等迅派妥員前往開誠布公告以殘殺禍首朝廷尙須嚴加懲辦現在和議將開萬勿再行派兵攔入晉境致生波折所有各路防營務飭妥籌因應勉顧大局仍將洋兵進止情形隨時電奏

初四日 駐蹕西安府城

軍機處遞李鴻章致榮祿原電 英俄美德法日意奧比日本十國使臣照會朝廷不辦毓董和議斷難望成且云董尙隨扈必是公之包庇

袁世凱致榮祿大臣
禍國請設
法補救力
扶危局電
二件

伏乞顧念大局速回天聽爲要

署黑龍江將軍薩保奏省城失守將軍壽山殉節情形摺

興京副都統靈熙奏官兵潰散俄兵入城據守摺奉硃批覽奏已悉著
仍極力守衛陵寢毋稍疏失

初五日 駐蹕西安府城

袁世凱致榮祿電信 電悉國勢危急中堂竭力維持宗社幸甚惟聞
各國仍嫌辦輕尤恨毓董將具哀的美敦書如仍堅拒和議從此決裂
再戰必亡路人皆知宗社生靈何堪設想各國又有另立政府之說使
中國自相殘殺無一寸淨土計甚兇狡現今要計惟在保存宗社安全
兩宮當師勾踐屈以求伸何可以宗社兩宮之重下殉諸謬且宗社附

危陵寢驚擾兩宮播遷百官流離士夫破亡生民塗炭誰肇其端即令諸謬自擬罪名亦難末減毓倡興拳匪濫殺多命董首戕日員激成鉅釁皆爲中外切齒人以董蒙識拔多疑中堂庇蹤時爲剖白仍疑信參半如入直後董仍典兵致危宗社天下後世詎能相諒請設法補救力扶危局列聖在天當亦感慰薄海士庶更不待言迫切直陳敢乞鑒納又電 從來敵國相爭必有主名著於史冊具可考見此次諸謬縱庇拳匪構釁全球議無可稱名本不順殃民誤國罪實難辭如因優容罪人再啟爭端尤爲無名之甚近聞直屬官民大半牛酒迎敵甚有請敵保護者人心已可概見固由勢力難抗亦由諸謬敗壞大局尙未明正其罪不足維繫人心耳諸謬爲國賊爲民蠹即無各國要挾亦應嚴辦

以伸國法剛毅雖死亦應暴其罪狀追奪職銜庶國勢雖弱而賞罰猶存紀綱猶立尙可以服敵國而慰天下昔晉爲盟主猶殺涉沱以謝衛人漢當全盛猶誅鼂錯以謝七國韓侂冑構釁金人宋斬之以首畀金自古輕挑釁端至債國事者無不置諸重典當其時聖君賢相亦必有許多爲難然皆不愛一人以謝天下尤不愛一人以救萬民古人有言曰蝮蛇螫手則斷手螫足則斷足非不愛手與足也以不斷則禍連腹心利害相懸故不敢姑息況諸謬徒逞私忿輕敵五洲以宗社至尊爲孤注自古無此謬人棄之復何足惜至諸國聯合圖我固難測度惟有盡其在我杜人口實安我人心始可相機結束前電未盡故復續陳

初六日 駐蹕西安府城

錫良奏請
飭全權商
法使止入
晉之兵電

軍機處覆李鴻章電信 本日據綽哈布電奏該王大臣等已有電催
令由江下駛先赴旅順與俄提督商議大略已諭令照行並如何因應
機宜詳晰電知綽哈布云云希查照辦理

初七日 駐蹕西安府城

錫良電奏 初四奉電旨洋兵西進不止其爲意在尋仇可知等因並
准奕劻李鴻章電法因查辦教案聞派兵入晉應留意防備等語伏查
臣自履任首飭保護教士安輯教民痛懲拳匪其教士願回國者派員
撥兵護送近來民教相安匪踪遠遁實無教案可辦五旬來慘淡經營
不遺餘力原冀共維和局亦似可告無罪於友邦若謂從前教案則咎
有攸歸已蒙嚴譴况晉民鑒於直隸義憤相激犒首相迎自甘殺辱一

張之洞致
樞垣請將
武昌城北
作爲自開
口岸電

日干戈擾攘匪特有礙款議乘輿密邇安危所關臣萬死奚辭其如大
局何如數百萬生民何惟有請旨迅飭奕劻李鴻章再商法使力止入
晉之兵統俟和局大定中外特簡大臣持平查辦晉案務使匪徒盡法
無辜昭雪揆諸各國僉以勸善爲懷亦不欲內外軍民共遭塗炭有違
天和玉帛相將遠勝兵戎從事天下之幸亦各國之光也頃探龍泉關
軍情萬緊已商宋慶馬玉崑撥隊往禦謹以附陳臣錫良謹奏歌

初八日 駐蹕西安府城

張之洞電信 各國議條款有內地任便通商一條勢在必行查武昌
省城濱江距北門外六七里之江岸卽與漢口鐵路碼頭相對前年美
國人勘粵漢鐵路時卽擬定此處爲粵漢鐵路碼頭將來商務必然繁

盛近年洋行託名華人私買地畝甚多各國洋人垂涎已久此處必首先通商無疑此處若設租界距省太近營墩不能設法令不能行有礙防守查岳州係自開口岸名通商場不名租界自設巡捕地方歸我管轄租價甚優年年繳租各口所無一切章程甚好前三年奉旨令各省查明可開口岸地方奏辦竊擬趁此條款尙未宣布之時即請旨准將武昌城北十里外沿江地方作爲自開口岸庶不失管轄地方之權此時先定爲十里外若臨時洋人嫌遠再酌改爲七八里統俟體察情形辦理合併聲明奉旨在先彼自不能侵越事關地方權利省城防衛時勢急迫謹電奏請旨請代奏囑奉旨電張之洞所請着照辦

初九日 駐蹕西安府城

上諭現在駐蹕長安徭役較繁着岑春煊將長安縣本年錢糧酌量應徵應免迅速分別辦理

初十日 駐蹕西安府城

上諭自播遷以來皇太后宵旰焦勞朕尤痛自刻責深念數十年積習相仍因循粉飾以致釀此大釁現正議和一切政治尤須切實整頓以期漸圖富強慈訓謂取外國之長乃可補中國之短懲前事之失乃可作後事之師欲求振作當議更張着軍機大臣大學士六部九卿各直省督撫駐紮各國使臣各就現在情形參酌中西政要舉凡朝章國政吏治民生學校科舉兵政財政等有因有革有省有并各舉所知限兩個月內詳悉以聞毋得粉飾具文敷衍入奏將此通諭知之

劉坤一張
之洞致奕
劄李鴻章
請體察外
情懲辦禍
首電

劉坤一張之洞致奕劄李鴻章電信 各國以懲辦首禍列爲條款又與袁的美敦書同來此舉萬分險毒昨江鄂會電伍使請美勸阻袁的美敦書不知各國聽否讀鈞座魚電有俟照會到即電達之語竊以爲萬萬不可前奉旨令鈞座密擬諸人罪名辦法前讀鈞電尙有禁戍商滅之說近讀鈞電只言各國欲將十一人全置重典自由和議愈延敵情愈憤竊思若十一人全誅朝廷斷不能允十一人全不誅各國斷不能允管見可否請鈞座體察外情遵旨酌量擬奏看朝旨如何辦法若肯重辦數人彼意雖未滿憤可稍紓必辦數人立即通發國書婉達商懇或允酌減數人若此時一人不辦彼必仍執十一人全辦之說商無從商減無從減待彼照會既來限期緊迫條款繁要欲酌條款則不能

劉坤一等
致電垣
李盛鐸
日外密

減諸人一律之罪名欲商減罪則無暇爭國家萬年之久計稍一遲廻
立成決裂必致款亦不能駁罪亦不能減懲罪太遲則重辦彼亦不感
許款太率則以後如何立國實爲非計若此時先擬先辦中間有數日
從容尙可探各國之意旨勸朝廷之曲從罪名或可減數人條款必能
商數件期限必能寬數日先後之間大有區別三提督入江皆悟其意
即爲斷江漢接濟全局萬緊宗社將危管見是否仰祈鑒裁速賜籌辦
至禱佳

十一日 駐蹕西安府城

劉坤一張之洞電信 李使電頃外部密告德議於六條外一爲克林
德立碑一遣王貝勒到德謝過一爲教堂被毀地方立碑一整財政一

告德讓各
條情形電

商改現行條約一商改總署章程共十一款均經各使議定電達各政
府核准即與全權議辦此外各條大半刪去惟各政府意見難測如有
參差照萬國定約中國受虧必大難免劃地又懲禍首日廷請放鬆歸
中國自辦美贊成俄亦允許此外各使未知能否不生意見請先代奏
十二日 駐蹕西安府城

上諭甘肅提督董福祥從前在本省辦理回務歷著戰功自調京以後
不諳中外情形於朝廷講信修睦之道未知仰體遇事致多鹵莽姑念
甘肅地方緊要該提督人地尙屬相宜着從寬革職留任其所部各軍
現已裁撤五千五百人並着帶領親軍數營即日馳回甘肅扼要設防
以觀後效

電知慶親王等由
京交內閣發鈔

十三日 駐蹕西安府城

懿旨陝西荒旱百姓流離載道深可憐憫著撥戶部銀四十萬兩交岑春煊購買米石散賑務令實惠及民

十四日 駐蹕西安府城

奕劻李鴻章電信 據俄德英義奧日本日比八國先後照會稱八月二十六日上諭加賞李秉衡之子孫以示篤念忠貞查忠貞之臣加恩酬賞自屬理所當然但此次李秉衡故後恩卹殊令輿情趨入歧途政府諸臣雖明與各國重商結好恐仍存如李秉衡顯恨泰西之心李秉衡夙與西人爲仇由南北來途次督拳民攻燬教堂迨入京後圍攻使館極力加功大臣有與泰西輯睦者附和僉人而陷害之其死也乃與

致使聯軍對敵所致如斯忠貞果爲國乎必應力行駁辯務請此後勿再降此項諭旨等語查李秉衡在東撫任內虐待教士致有膠州之失蒙恩降調不再起用今復帶兵自贖徒有嫉洋之志實無勝敵之方貽害君國死不足惜茲因明詔優卹廕後致騰衆謗現將開議和局萬不可敗應否俟其條款到時撤銷李秉衡卹典以示大公請代奏奕李寒十五日 駐蹕西安府城

張之洞致
樞垣英法
德提督同
桑吳滋如
不和必斷
接濟電

張之洞電信 英領事過鄂言各省運赴陝西銀米兵械甚多必濟董軍可見朝廷不願和答以朝廷在彼封疆之臣如何不解款伊云擬派小輪上襄河探水漢口領事言前已奏准洋人小船可行內河答以時勢不同和局定乃可行又催將董調開嚴辦彼之意不外乎不和卽斷

江漢接濟英法德三水提督同聚吳淞將入江如遷延必斷接濟

十六日 駐蹕西安府城

出使朝鮮大臣徐壽朋奏請降旨回鑾以定人心摺

又奏此次議款請飭全權大臣與各使妥籌傳教章程以弭後患片

旨寄慶親王等徐壽朋奏民教不和實爲地方大患此次商辦和議所訂條款宜妥商以爲後日地步又王之春前奏公法於鄰國公犯有禁其爲亂之責請援據彼法令將康有爲等監禁各等語著奕劻李鴻章收存備酌

十七日 駐蹕西安府城

盛宣懷電信

赫德稱此次和局中國必出至鉅賠款無論如何辦法

盛宣懷致
總理諸公

查明進出
兩數明示
各國以便
議和電

北京商民
呈請部請
據情奏懇
回鑾稟

四五十年內每年須籌三千萬各關洋稅已全抵並劃七處釐金抵之
新認賠者須指他款此時須查明進出兩要端一係將各省地方釐金
鹽課常稅查明每年報部若干究竟能徵若干查出實數進款已著實
再查出款各省辦公之費每年須用若干其中何項可省何項不可省
核實究須若干逐款查明亦得其實二實數既得議和時和盤託出較
易取信當即遵電各省督撫詳核據覆細多贏少此事當須細心考究
十八日 駐蹕西安府城

北京商民呈文 爲呈請據情奏懇回鑾事竊商民等皆在北京經商
近聞行在諭令大人前往詢問回鑾一切事務並派充勘查蹕路大臣
懽忭微忱匪言可喻竊商等食毛踐土二百餘年感戴皇太后皇上深

恩各安生業自兩宮西巡以後瞻望之忱無時或釋雖洋人入城尙未十分擾害全權王大臣及留京大臣辦理交涉彼此亦無扞格幾輔數百里內行旅漸可通行農民亦思耕作然水無源則其涸立待民非后則生業難安加以目下官糧似有而實無匪患此消而彼起欲事懋遷而憂疑不定欲力南畝而不敢還鄉且南漕不到則八旂之生計日艱京餉不來則市面之銀根將匱都下情形實有兩宮一日不回鑾則四民一日不安枕者伏思皇太后皇上平日痼癥在抱方且視民如傷豈當兵燹之餘反置數百萬生靈於不顧哉特以洋兵未退不易登程商民等亦何敢善自爲計而不審慎以處朝廷惟默視時局徧采風聲聞各國公使兵頭等人亦深願兩宮及早回鑾尙無他意此時大人到陝

當在三月望後兩宮若能於四月初間啟蹕則途次炎天暑雨尙可無虞此尤商民蟻忱所爲私心竊禱者也以上情形大人必早鑒及但商民等依戀微忱衆口如一街談巷議處處皆然惟有仰懇大人奏對時將商民等下情奏聞務懇我皇太后皇上俯順輿情早定回鑾日期商民等毋任瞻天仰聖迫切懇禱之至理合具呈伏乞恩准謹呈禮部

十九日 駐蹕西安府城

旨寄奕劻李鴻章囑電悉浙江交涉事件關繫緊要惲祖翼旣升巡撫必能妥辦何至預存成見深恐洋人所言并無實據衢州案件現已電飭惲祖翼迅速持平辦結如果該撫辦理未能妥協應如何處置之處朝廷自有權衡決不徇庇此旨著奕劻詳告英使務釋其疑

李鴻章奏
全權大臣
敕書各使
謂不合式
請蓋御寶
電

二十日 駐蹕西安府城

李鴻章電奏 各國條款大致商定德使忽謂鴻等前奉全權電旨不合式不能開議必須援照馬關之例奉有全權大臣用寶敕書以昭慎重英俄使等皆從之可否權宜由京擬諭旨並致俄主國書在大內請寶蓋用以免枝節

旨電奕劻李鴻章敕書用寶及致俄主國書均照所請行

二十一日 駐蹕西安府城

旨電錫良來電悉洋兵在東天門放礮我兵並未還擊著飭劉光才臨事不可孟浪

二十二日 駐蹕西安府城

出使朝鮮大臣徐壽朋奏俄日在朝鮮分據口岸情形片

二十三日 駐蹕西安府城

出使美國大臣伍廷芳奏中墨換約日期摺

二十四日 駐蹕西安府城

錫良奏查
明洋兵奪
據紫荊關
及升允退
守情形摺

山西巡撫奴才錫良奏爲遵旨查明洋兵奪據紫荊關委係彼先開釁
藩司升允督軍鑒戰及並未全退平型關實在情形恭摺覆陳仰祈聖
鑒事竊奴才於本年九月十七日接奉電旨錫良電奏悉升允所稟洋
兵分撲紫荊關鑾戰兩時關隘失守退紮浮圖峪北防甚急請撥兵協
助等情此股洋兵肆擾究竟若干果係孰先開釁督兵鑾戰實在情形
究竟若何著該撫迅速派員前往密探確實卽行電覆等因欽此遵卽

遴派妥員改裝易服分往確切密查具覆去後旋於九月二十日又奉電旨升允奏洋兵佔據關隘退守情形一摺紫荆關開戰實情前已電諭錫良派員確查本日據升允奏軍士受傷人衆全行退紮平型關等語是否新收吳炳鑫三營輕於開釁等因又於二十一日奉電旨錫良銑電悉前據升允奏紫荆關與洋兵開戰一摺當經諭令該撫查明實在情形尙未覆奏據電奏洋兵退回易州升允派營分駐廣昌靈邱查其所報情形前後參差不符升允張皇畏葸毫無布置已可概見前報鑒戰各情難保非該營望風退避飾詞奏報著傳旨將升允嚴行申飭該撫仍遵前旨確查洋兵至紫荆關該營果否開戰務將實在情形據實具奏勿稍迴護等因欽此復經欽遵傳旨將該藩司升允嚴行申飭

各在案茲據委員查明先後回省稟覆證以奴才另行訪察情形均相符合謹爲皇太后皇上縷陳之伏查新授山西布政使升允前奉諭旨飭駐紫荊關內外靈邱一帶杜截潰勇當將所統陝軍馬步五營旗分紫直隸之紫荊關廣昌縣及山西所屬之渾源廣靈靈邱等處升允先駐靈邱居中調度本年閏八月間自聞東路喫緊卽親率左翼馬隊進紮廣昌九月初二初三等日疊據電報洋兵西竄已入易州維時升允正在廣昌查點新收之武衛中軍中右兩營其中軍後營尙紮紫荊關當卽星馳前往督飭各營將紫荊關守禦事宜認真布置晝夜嚴防而洋兵已進據泰寧鎮北窺官坐嶺西擾距關三十里之大龍華等村初五日升允卽將防務戒嚴情形專摺由驛奏報一面探聞英法德等國

馬步隊陸續前來勢將西犯其他未知國名者不能悉舉升允深恐洋兵攔入開釁因於初六日晚間備文照會英法德三國帶兵官婉言勸阻共維款局交紫荊關參將沙明亮撥派標兵分送迺未據回覆次日黎明洋兵驟來撲關我軍遵守將令寂然不動詎洋兵突向關上開礮致幫帶副左營營官黃明遠哨官李士彬中礮陣亡並轟傷哨官陳心勝黃印等我軍憤極始開鎗礮相抵升允親在關上督同左翼分統周玉堂副左營管帶蕭世禱武衛中軍營務處吳炳鑫等據險回擊自卯至巳鎗礮不絕約計轟斃洋兵數十名我軍陣亡官弁兵勇亦六十餘名受傷者二十餘人升允左右肩畔鎗子飛過幸未中傷其時朝曦東出我軍從關下擊日光射目不能偪視洋兵遂從暗處潛據山巔我軍

埋伏盡露無險可憑兼之藥竭兵單遂致不守此查明初七日洋兵輒先開釁奪據關隘因與鑾戰兩時之實在情形也迨我軍撤隊之後升允先退浮圖峪旋以精銳傷亡較多新收之軍心又不固恐其潰散掣動全軍因自入平型關稽查布置仍進駐靈邱而令吳炳鑫之三營開赴該關藉資防守適奴才以廣昌地尤扼要飭令吳炳鑫所部仍宜回防遂亦留駐廣昌故與升允摺內所稱全隊退紮平型大營等處情形稍有不符其實升允雖有全隊開往之奏並未實有全隊開往之事該洋兵亦未過關隨即陸續退回金坡易州等處此又查明該軍分駐昌平靈邱並未全退平型關大營鎮之實在情形也奴才復思此案欽奉嚴旨疊飭確查自以孰先開釁升允是否督兵鑾戰有無畏蒞情事爲

最要關鍵茲既明查暗訪是日各國聯軍率領教民來關攻撲遽先開礮轟斃我軍營哨官兵數十人實屬覺自彼開理尤我直我軍既被轟擊自不能不鎗礮齊施還兵抵制鏖戰兩時之久更爲共見共聞遂致互有傷亡且斃洋兵不少其爲該藩司等既未當鹵莽從事急切圖功亦未敢畏蕙張皇飾詞具報均屬可信察其所統各營前既尙能接仗似亦可用奴才已嚴飭升允勗勵將士認真扼紮恪遵諭旨妥慎防維現聞法軍尙在易州一帶游弋敵情譎詐難測斷不敢稍涉疏虞該藩司治軍整飭情形近且益加奮勉應令仍在廣昌靈邱等處穩慎駐紮以固北路邊防其打仗陣亡官弁兵勇容飭詳查再行籲懇恩施從優議卹俾昭激勵而慰忠魂所有遵旨查明洋兵奪據紫荆關委係彼先

奏維倭
和議即
宜將有
大局各
亟圖補
救

開釁藩司升允督軍鑒戰及未全退平型關實在情形理合恭摺覆陳
伏乞皇太后皇上聖鑒訓示謹奏光緒二十六年十月十六日發二十
四日奉硃批知道了仍著飭升允穩慎扼紮以固邊防

鴻臚寺少卿臣裴維倭奏爲和議即開宜將有關大局各條亟圖補救
恭摺仰祈聖鑒事竊臣維和議一開所議各條大致就定其中有可圖
補救者亟宜乘時商辦以維大局約舉數端謹爲皇太后皇上陳之一
如內地處處皆准通商就商務言之似極平易而將來舉辦輾轉萬分
恐不特到處侵佔且恐民間觀聽不一隨時隨處皆涉釁端亟宜及早
籌商分別會否通商處所寓有區畫以存限制此時多一分籌酌將來
可少無限爭端一如傳教之國本屬訂有約章惟此次始由民教相爭

以致有礙大局查各國多有許通商而不任傳教者亟宜持以並議辨明中外利害我固非宜彼亦鮮利用以消絕隱患值此各國咸在可冀有成若失此機會則事關數國恐不易輕於議及矣一如分年償還兵費需款浩繁當此物力艱難之際辦理奚易約計入不敷出相較殊覺懸甚洋人固有窺伺利權之心而各省經理之員尤應慎重其選大抵經營籌畫開源難而節流易以開源言之近年臣下陳奏每主開闢利源而一時多無把握先糜鉅款此後遇有籌辦之處亟宜統計全局分別此贏彼絀不得僅就一人一事輒謂遂有所增以杜欺飾以節流言議和之後有可裁減諸大端如購買外洋軍火各弊不裁而裁而船政練兵各事宜應查明無補實用之處就地分別刪改以除虛糜以上數

端胥關要圖擬請旨飭各大臣等及早籌商於無可挽回之中稍資補救庶於大局有裨臣愚昧之見是否有當謹具摺上陳伏乞皇太后皇上聖鑒謹奏光緒二十六年十月二十五日奉上諭鴻臚寺少卿裴維佖奏和議將開亟圖補救一摺所奏通商傳教償費各條是否可行著奕劻李鴻章劉坤一張之洞參酌情形於議款時妥爲辦理原摺均著鈔給閱看將此由六百里各諭令知之

二十五日 駐蹕西安府城

晉昌敏魯布札布羅卜藏喇雨奏會同聯合各蒙旗徐圖恢復摺奉硃批東三省俄國已許交還已飭令奕劻李鴻章妥商辦理接收矣

二十六日 駐蹕西安府城

上諭前已諭令晉昌開缺將仁字軍交清銳接統晉昌著聽候查辦

二十七日 駐蹕西安府城

旨電奕劻李鴻章懿親不加刑此各國通例英使獨反齒其中必有別故該王大臣等責重全權仍當據實開陳以便迅速開議

二十八日 駐蹕西安府城

旨寄錫良現在慶親王等在京與各國開議載漪載勛不可聽其自便着於蒲州府安置交地方官管束俟回鑾後解京圈禁

于蔭霖致岑春煊電信 據安陽縣祿接准磁州函稱奉正定府函知往來公文法人不許封口猶須洋員簽字自初七日爲始南來公文暫緩前遞一體知照等情特聞霖敬印

軍機大臣致錫良馬玉崑電信 據豫撫于電稱洋兵在正定攔阻文報遞京要件難以接遞等語希貴撫商馬提督仍於居庸關至萬壽山一帶迅速多設馬撥以通文報如此路難行應於何處繞道接遞並希酌度辦理聞宣化洋兵早已退出究竟現在何處希貴撫等探明確實迅卽電覆勸

二十九日 駐蹕西安府城

薩保奏俄兵久據省垣懇恩拯救生靈並鈔壽山遺函呈覽摺

又奏西路呼倫貝爾退守大嶺及撤回省城情形片

又奏俄隊入墨爾根城情形片

又奏俄隊越過伯爾多馳抵省城各情形片

又奏俄隊入呼蘭城並未施放鎗礮及晤商和約情形片

旨寄薩保現在東三省俄人已許交還新授將軍綽哈布不日抵省著仍竭力維持俟綽哈布到後會同妥籌整理

上諭俞廉三奏匪徒燬焚教堂傷斃洋人查辦情形一摺本年六月間湖南衡州府城外教堂兩處均被匪徒焚燒並將洋教士范懷德等斃命該地方文武各官先事既未能防範臨時尤未能彈壓禁阻實屬咎無可辭衡永郴桂道隆文補用都司王鼎華均著即行革職衡州府知府裕慶著開缺以同知降補至傷斃洋人被燬教堂應如何分別償卹著俞廉三督飭道府各員迅速妥爲了結勿延爲要餘著照所議辦理

又奏秦壽昌開釐並壽長全軍潰敗情形摺

增祺等奏
報奉省各
城失守自
請議處片

盛京將軍增祺片 再奉省幅幘延袤南皆界海東北沿邊控制本爲
不易自俄佔金旅興修鐵路水陸皆據其衝及熊岳蓋平營口海城失
守南路日逼日近鴨綠江東岸亦有倭兵數千分布伺伏前因山海關
防務緊要京津無兵可撥復奉旨仍令總統訥欽帶隊填紮而西北錦
州一帶拳教仇殺土匪滋擾在在均須籌備然北面尙恃有吉林黑龍
江爲之屏蔽自江省失吉林又約定俄兵所至我兵手執白旗各不開
鎗而彼北路之兵隨由伯都訥長春南下使我首尾兼顧不遑全局更
爲震動況又奪我唐山煤礦鐵路山海關咽喉已爲所扼查海城失守
後停戰幾及月餘現忽調集重兵併力攻我聞因和議未定有必欲力
取東三省以爲獨得之說且我已四面受敵情見勢絀彼以全力合攻

一處其不支固已不待言喻查甲午日本一役關內外調兵四百餘營
糧將數十人糧餉軍火饋運不絕於道然只防南半面今兵力既遠不
相及分防有四顧之慮統將只晉昌訥欽壽長三人現餉僅贍兩月有
餘而已況又值京師戒嚴之後電奏文報一概不通軍務機要莫能有
所稟承戰則兵已潰散和則彼不肯聽守則人心不固到處以白旗相
迓現在吉林通省及奉天牛莊遼陽田莊臺懷德奉化等縣莫不皆然
如黑龍江之敵近省城始議停戰及至進城時即將糧餉三十餘萬兩
以及軍火等項全行運走凌辱副都統薩保要馬三百匹而以知縣程
德全辦理將軍事務並令將庫存及各營兵丁現用軍械全行繳出此
待降人例也又吉林將軍長順前因三姓琿春阿拉楚喀相繼失守兵

力不能任戰且俄由琿春進兵至鄂穆和索截寧古塔後路直趨省城情勢危迫長順曾派協領連桂赴哈爾濱與俄總監工茹格維志商議停戰俄兵到處我兵手執白旗不先開鎗彼亦不進攻並須格外優待爲之備辦牛羊食物作爲犒師又爲雇覓車輛工人購買糧草米麵各若干仍令文武各官照常彈壓地面商民各回安業且到處皆令兵團呈繳軍械並將銀庫軍械派人看守卽電局亦把守不令與各處通電其省城伯都訥長春伊通等處皆分兵駐守雖云議和實與黑龍江辦法無異且俄兵素性殘忍前此黑龍江與之毒打故艾琿失守時城市一概轟平又將華民之在俄界者十餘萬人之衆盡行屠戮又阿拉楚喀之失斃數千人琿春之失斃千餘人海城蓋平沿鐵路居民燒毀無

遺類載回婦女甚多此皆人所共知各處之以白旗相接者蓋皆畏其荼毒況奉省之拆其鐵路四五百里尤所痛恨欲得而甘心者且省城陵寢所在遼陽既失則四外毫無屏障大軍已潰則又守禦無資又況俄由南北西三面合圍日本又由東邊一帶前進四面包羅勢窮力孤大局萬難支持卽如守城則陵寢堪虞守陵則又礮火可慮屢次籌議是以不得不暫爲退計以爲保護地步究之於守土存亡與共之義實於臣節有虧辜負聖恩咎無可辭應請旨將奴才增祺從重治罪以彰憲典並請將奴才玉恆清銳崇寬薩廉溥頤鍾靈一併治罪之處伏候上裁晉昌已出法庫門外陳兆文未知現在何處合併陳明謹附片具奏伏乞聖鑒謹奏光緒二十六年閏八月二十五日發十月二十九日

奉旨寄增祺覽奏均悉東三省俄國已許交還業經諭奕劻等知照該將軍等與俄員晤商接收矣增祺等於此次事變未能預爲籌畫均屬咎無可辭著交部議處晉昌先行革職

又奏洋兵由山海關入錦州情形片

三十日 駐蹕西安府城

全權大臣電奏 各使續來照會聲稱拳匪肇亂時有痛恨違背公法之大臣徐用儀立山許景澄袁昶聯元五員身罹奇禍必須准予開復請明降諭旨與懲辦禍首之諭旨同時頒發如此方令各國適意云云
謹代奏

西巡大事記卷三終

奕劻等致
樞垣各使
照會請將
徐用儀等
五員開復
原官電